

جَزَائِرَ عَمَّا كَرِهَ

جمعه ایرتسی

نومرو	ذی القعدہ	سنہ	نیسان	سنہ	صحیفہ
۸۲۰	۹	۱۳۱۲	۲۲	۱۳۱۱	۱۱۴۳۷

(اشبو غزرتہ بہر ہفتہ جمعہ ایرتسی کونلری چیقار . سنہ لکی درسعدت ایچون مجیدیہ یکر می غروش)
 (حسابیلہ التمش غروشدر . طشرہلر ایچون اون بش غروش پوستہ اجرتی ضم اولنور . بہر)
 (نسخہسی ینہ مجیدیہ یکر می غروش اولمق اوزرہ یوزیارہ یہ ہر پردہ صاتیلور . درج اولنہ جق)
 (اعلاناک ہر بردن بر مجیدیہ اخذ اولنور . سنہ لکنہ مشتری اولمق استیانلر عدلیہ نظارتی)
 (دائرہ سندہ کائن جریدہ محاکم ادارہ سنہ مراجعت ایلملیدر)

قسمت سی

موجبہ مدت ایجارک ختامندن طولانی مأجورک
 بالتخلیہ تسلیمی ضمنندہ مقاولات محرر لکی واسطہ
 سیلہ مستأ جرلرہ تبلیغ ایتدیریلان اخطار نامہ لری
 دن مختلف صورتہ خرج اخذ واستیفا قلمبقدہ
 اولدینی استخبار اولنمشدر مقاولات محرر لرینک
 قانون مخصوص ایلہ معین اولان وظیفہ لری خار جندہ
 تنظیم اولنوب تصدیق اولنمق اوزرہ کندولرینہ
 تودیع اولنہ جق سندات واوراق سائرہ قید
 وتصدیق ومراجعت وقوعندہ تنظیم ایده جکلری
 اوراق وسندای دخی اصحابی ناملرینہ تنظیم وتبلیغ

(فی ۴ ذی القعدہ سنہ ۳۱۲ وفی ۱۷ نیشان)
 سنہ ۳۱۱ تاریخیلہ بالجلہ ولایات استیناف محکمہ سی)
 مدعی عمومیلرینہ مدعی عمومی بولنمیان محالر)
 (مدعی عمومی معاونلرینہ یازیلان تحریرات)
 (عمومیہ صورتیدر)

ایجار عقار نظامنامہ سنک مادہ مخصوصہ سی

ایتمکن عبارت اولسنه کوره خرج تعرفه سنک
اون اوچجی وسکسان ایکجی ماده لرینه تطبیقاً
خارجده تنظیم ایدلمش اولان سالف البیان اخطار
نامه لک مستأجره تبلیغ ایدیلاں صورتدن یکریمی
بش غروش مقاولات خرجی واون غروش تبلیغ
خرجی که جمعاً اوتوز بش وموجره ویریله جک
صورتدن كذلك اوتوز بش غروش خرج اخذ
واستیفاسی ایجاب ایده جکندن بعدما صور
مشروحه وجهله معامله اولمسنک لازم کلنلره
تبلیغی ضمنده اشبو تحریراتک نسخ مطبوعه کافیه
ومصدقه سی انجمن عدلیه ومحاسبه افاده سیله انفاً
ارسال قلنمش اولدینی بیانیله شقه

قسم غیر رسمی

سلانیک ولایتی استیناف محکمه سندن ۲۵

ایلول سنه ۳۰۵ تاریخی واون اوچ عددی ایله
ویریلان اعلامک تمیزینی سلانیکده سرای عتیق
محله سنده مقیم اصحاب علاقه دن مصطفی بک زاده
رفت بک باعرضحال طلب واستدعا ایلدیکی
حالده یوم معینده دائره به کلامش ایسه ده مدعی علیه
اولوب بالمقابله تمیز دعواسنده بولنان دیون عمومیه
اداره سی وکیلی عیپکیان افندی کلش اولدیغندن
ایضاحات شفاهی سی ایله باش مدعی عمومی
معاونلرندن سعادتلو بورغاکی افندی بک مطالبه سی
استماع قلندقدن صکره تدقیقات تمیزیه اجرا سنه
ابتدار اولندی .

اعلام مذکورک خلاصه مالی مومی الیه رفعت
بک ایله سلانیک دیون عمومیه سی نظارتی بیننده
متحدث دعوا به دائر سلانیک بدایت محکمه سندن
ویریلان اعلام علیه نده مومی الیه رفعت بک جانبندن
اعطا قلنان استیناف استدعاسنک ردینی متضمن
سلانیک استیناف محکمه سندن غیاباً صادر اولان
اعلام علیه نده اعطا قلنان اعتراض علی الحکم
استدعاسی اوزرینه وجاهاً جریان ایدن محاکمات
وتدقیقات استینافیه نتیجه سنده تبلیغ علم وخبرینه
نظراً استیناف استدعاسنده تاریخ تبلیغ یا کلش
کوستولش اولدینی کبی کفالت سندی بک استدعایه

مربوط اولدقدن بشقه مذکور کفالتیه ماده
یالکیز مصارف محاکمه نیک ترقیمیه اکتفا اولمغله
استدعای مذکور اصول محاکمه حقوقیه قانوننک
یوزسکسان نتیجی ماده سنده محرر اولدینی وجهله
شرائط لازمه بی غیر جامع اولسنه ومدت استینافک
مروری حسیله اکل نواقصه محل وامکان
اولدیغنه بناءً ماده مذکور حکمنه توفیقاً استدعای
مذکورک ردینه دائر ویریلان قرار عندالتمیز
اسباب قانونیه به مبنی نقض واعاده قلنمسی اوزرینه
محکمه مذکورجه بتکرار جریان ایدن محاکمات
وتدقیقات نتیجه سنده مومی الیه رفعت بک قواله
قضاسی رسوم سته صندوق امینی جمال افندی به
کفالت ایش اولدینی مبرز سند مآلندن
اکلاشیلهرق عندالمحاسبه افندی مومی الیه بک الی
اوچ بیک اوچپوز التمش ایکی غروش اون یدی
سانتم ذمی ظهور ایتدیکی محکمه عائده سی اعلامیه
ثابت اولوب بوندن کفیل دیگر رجب افندی بک
حصه سی اولان مقدارک تنزیله بحسب الکفاله
رفت بک طرفندن تسویه سی لازم کلان یکریمی
القی بیک التیوز سکسان ایکی غروش سکر
سانتیمک استدعا قیدی تاریخندن اعتباراً گذشته
سیله مومی الیه رفعت بکدن بالتحصیل نظارت
مشارالیا صندیغنه تسلیمنه و گذشته سی رأس المالی

تجاوز ایدر ایسه مراجحه نظامنامه سنک دردنجی
ماده سی موجبیه حجز واقعک تصدیقنه وایقای
دین اولمدینی صورتده اموال محجوزه نیک
فروختیه بدلندن تأدیه سنه حکمدن ومستدعی
تمیز رفت بکک اشبو حکم علیه نده لایحه سنده
محرر اعتراضاتنک خلاصه سی اقامه دعوی ایچون
سلانیک دیون عمومیه نظری شفیق افندی
طرفندن بروکیل تعیین ایدلمش ایسه ده اخیراً
ناظر مومی الیه انفصال ایدرک رینه دیگر تعیین
اولدینی حالده تجدد وکالت ایدلمش وکندوسنک
کفالتی ایسه شرطه معلق اولوب قواله مجلس
اداره سندن ویریلان حکم استیناف ایدیلهرک
استیناف محکمه سنده در دست رؤیت بولندینی
عندالمحاکمه در میان قلندینی واثبات مدعاضمنده
برقطعه علم وخبر دخی ابراز ایدلدیکی حالده
سلانیک استیناف محکمه سنده بوراسنک نظر
اعتباره التمسین محکومیتی طرفنه کیدلمسی
یولسز ومقار قانون اولدیغندن بخله اعلامک
نقضی استدعاسندن و تمیز علیه دیون عمومیه
اداره سی وکیلی عیپکیان افندی بک نتیجه اجوبه سی
دخی کفیل رفت بک رأساً کفیل اولوب ویریلان
کفالت سندن رجب افندی ایله مشترک اولدقلرینه
دائر برکونه صراحت اولدینی کبی مبلغ محکوم

بهانك فائضى دخی بر مثلئ تجاوز ایتمی لابد
وداینك تكاسلندن ایلر و كیش اولسی جهتیاه
اعلامك نقضیه جهات سائرهمی اصول وقانونه
موافق بولنش اولدیغندن بجنله اعتراضات
مسروودنك ردی و اعلامك تصدیق طلبندن
و معاون مومی الیهك مطالعه می ایسه اصیل اولان
جمال افندی علیه ویریلان حکمی عدم قبول ایل
استیناف دعوی ایتش اولدینی اثنای محاکمه
ابراز اولسان سنددن منضم اولوب بنه علیه
اولباده حاصل اوله جق نتیجه کوره ایجابیه
باقلمق اوزره تعمیق تحقیقات ایدلك لازم کلور
ایکن ذهول اولنش اولمسنه مبنی اعتراضات
واقعه نك موافق قانون اولدینی بیانندن عبارت
بولنمشدر .

ایجابی مذاکره اولندقدده اعلام مذکور
مطالعه سندن منضم اولدینی اوزره مدیون دائره
جزائیه جه محکومیتنه دائر ویریلان قراری عدم
قبول ایله استیناف ایده جکی اثنای محاکمه
ابراز ایدیلان سندمآلندن اکلاشلمش و مرقومك
بوابده ویرلمی لازم کلان لایحه بی تقدیم ایدوب
ایتمدیکنك دخی تعریف قانونی وجهله بدایت
ویاستیناف اداره مجلسلرندن تحقیقی امور لازمیدن

بولنش ایکن بالکر والینك اولباده کی جوابیه
نظراً کفیلک بوابده درمیان ایتش اولدینی
ادعانك رد ایدلمی و کفالت سندن کی عباریه
نظراً کفالت مذکور کفالت مشترکه اولوب
کفالت منفرد اولدیغنه «اولدیغمی» تعبیری دلالت
ایتمسنه کوره کفالت مذکور به بناء مکفول لیهک
مبلغ مدعایی کفیللردن هر قنغیسندن دیلر ایسه
اخذ حق اولدینی حالده کفالت مشترکه معناسی
ویریلرک مبلغ مدعایهک نصفیه حکم اولنمی
و محکمه عدالت بالامنده فائضدن سکوت اولدینی
حالده رسوم ستنك استیناف واعاده محاکمه
ایتموب اعلام مذکور قبول ایتسنه کوره تمیزاً فائض
مطالبه می بولسز اولدیغنه وائف الیاب مطالعه نامه ایل
مستدعی رفعت بکک اعتراضی بوجهته متدائر
اوله رق شایان قبول بولندیغنه بناء اصول محاکمه
حقوقیه قانوننك ایکوز اوتوز ایکنجی وایکیوز
قرق برنجی ماده لری موجبجه اعلام مذکورک
نقضیه قانون مذکورک ایکوز قرق دردنجی
ماده می حکمنه توفیقاً کیفیتک یکیدن بالرویه اعلامه
ربطی ضمننده محکمه مذکوریه اعاده سنه واشبو
اعلام خرجی اولان یوز غروشك ربع خرج
اوله رق اولجه مستدعی مومی الیه رفعت بک
طرفندن ویریلان یوزیتش طقوز غروشدن اجرای

محسوبیه زیرده مفرداتی مرقم ایکوز اون طقوز
بجق غروش مصارف تمیزیه نك ایلروده حقسنز
حقیقه جق طرفه رجوع ایتنك اوزره اول امرده
مومی الیه رفعت بکدن النسنه ۱۰ ایلول سنه
۳۱۰ تاریخنده متفقاً قرار ویریلرک تفهیم قلندی .



اجه اباد بدایت محکمه سندن ۲۷ ایلول سنه
۳۰۹ تاریخی ویدی عددی ایله صادر اولان
اعلامك تمیزینی استمدعا ایدن اجه اباد قضاسنه
مضاف سد البحر قریه سنده مقیم زراعدن حاجی
حسین اغازاده حافظ محمد افندی ایله تمیز علیها قلعه
سلطانیه قصبه سنده ساکنه اپوستول براسکوئیدی
زوجیه سی غلیکریا قادی وکیلی حسن تحسین افندی
یوم معینده دائره به کیش اولدقلرندن ایضاحات
شفاهیه لری استماع قلندقدن صکره تدقیقات تمیزیه
اجراسنه ابتدار اولندی .

اعلام مذکورک خلاصه مالی مزبور غلیکریا

قادینك باسند خاقانی متصرفه اولدینی سد البحر
قریه سنده کائن معلوم الحدود برقطعه ترلاسنه مزبور
حافظ محمد افندی طرفندن فضولی وقوعه کلان
مداخله نك منی حقننده اقامه ایلدیکی دعوایه
قارشو مدعی علیه حافظ محمد افندی کندوسنك
زراعت ایتنكده اولدینی ترلانك مقدما مدعیه به
بیع بالوفا طریقیه ترهین ایدوب ختام وعده دن
صکره معامله فراغیه سی اجرا قلنه رق مزبور نك
عهده تصرفنه کچمش اولان اراضی داخلنده
اولوب باسند خاقانی اروجیه تحت تصرفنده
اولدینی مدافعه انباودرت قطعه سند خاقانی ابراز
و اعطا ایتش ایسه ده محکمه جه سبق ایدن محاکمات
واجرا قلنان کشف و تحقیقات نتیجه سنده منازع
قیه اولان ترلانك مدعی علیه حافظ محمد افندی نك
دینی مقابلنده مزبور غلیکریا قادینه بیع بالوفا
صورتیه ترهین ایدرک ختام وعده دن صکره
مزبور عهده سنه معامله فراغیه سی اجرا قلنش
اراضی داخلنده اولدینی ورقه کشفیه مندرجاتیه
تحقق ایتش اولدیغندن مدعی علیهک مذکور ترلایه
واقع اولان مداخله سنك منعنه و تصرفی ناطق
ابراز ایلدیکی سنداتك سالف الذکر معامله
فراغیه نك اجراسندن اول تنظیم قلنان یوقلمه
دفترندن چیقارندیرلدیغی اکلاشلمغله ابطالنه

حکمدن و مستدعی تمیز حافظ محمد افندینک
اشبو حکم علیهنده کی باشلوجه اعتراضاتی بدایه
اجرا قلنان کشفده اصول محاکمه نك التمش
او چنجی ماده سنده محرر قواعد رعایت اولنمدی
کی اوراق کشفیه دخی قرائت واولبابده بردیه -
جکری، اولمدی استفسار ایدلنکسزین حکم
و قرار ویرامی مغایر قانون اولدیغندن بحمله
اعلامک تقضی استدعاسندن ویمز علیها غلیکریا
قادی وکی حسین تحسین افندینک نتیجه جوابی
دخی مستدعی تمیزک مذکور بدایت اعلامی
علیهنده استیناف دعواسنه قیام ایدرک استینافاً
اعلام صدورندن صکره اعلام ابتدائی مذکوری
تمیز ایتسی جائز اولمیه جفی جهته تمیز استدعا
نامه سنک ردی لازم که جکی کی اساس ماده
کنجه کشف مذکور تعریفات قانونیه دائره سنده
اجرا واولبابده کی تقریر حضور محکمه ده قرائت
ایدلش اولمیه اعتراضات مسروده نك واهی
و بی اساس اولدی بیانیله ردی و موافق
اصول وقانون اولان اعلامک تصدیق طلبندن
عبارت بولنمشدر .


ایجابی مذاکره اولندقد اول امرده اعلام
تمیزه علیهنده مستدعی تمیزک کلیولی بدایت محکمه -

کشفی ضمتده تعیین اولسان نائب واهل خبره
طرفلرندن کشف و تحقیقاتی حاوی تنظیم و تحتم
ایدله جک ورقه کشفیه نك برر قطعه صورتلری
طرفینه تبلیغ واعطا ایدلک مقتضی اولسنه کوره
محکمه جه محل منازع فیه حقنده اجرا قلنان کشفی
ناطق اوله رق نائب وارباب وقوفک مهر و امضالر -
نی حاوی اولمق لازم کلان کشفنامه نك طرفینه
تبلیغ واعطا قلنسی لازم کلورایکن مدعی علیه
حافظ محمد افندی به تبلیغ واعطا ایدلامسی ماده
مذکوره حکمنه مغایر و مستدعی تمیز محمد افندینک
اعتراضی دخی بوجهته مستدائر اوله رق موافق
نفس الامر بولندیغنه بناء قانون مزبورک ایکوز
اوتوز ایکنجی ماده سی موجبجه اعلام مذکورک
تفضیله ایکوز قرق دردیجی ماده سی حکمنه توفیقاً
کیفیتک قانون دائره سنده یکیدن بالرؤیه اعلامی
ربطی ضمتده محکمه مذکوره به اعاده سنه وز برده
مفرداتی مرقم درتیوز طقوز بچق غروش مصارف
تمیزیه نك ایلروده حقسنر چقه جق طرفه رجوع
ایتمک اوزره اول امرده مستدعی مزبورین النسنه
۲۲ حزیران سنه ۳۱۰ تاریخنده اکثریت ارا
ایله قرار ویرله رک طرفینه تفهیم قلندی .

اعلام مذکورک خلاصه مالی مزبوره مریم
قادی نك امره محرر برقطعه سند موجبجه مزبوره
اناخاتون ذمتده الاجبی اولان طقوز بچق عدد
لیرای عثمانینک تحصیلی طلب ودعوی و مذکور
سندی اراز واعطا ایتسی ولاجل الحاکمه وقوع -
بولان دعوت مدعی علیها مزبوره انا قادی نك
اجبت ایتماسی اوزرینه وکیل مستخر حضوریه
جریان ایدن محاکمات و تحقیقات غیاییه نتیجه سنده
مدعا به اولان طقوز بچق عدد لیرای عثمانینک
عندالاعتراض انکار اولندیغنی صورتده اثباته
تعلیقاً مع فائض بالغ اولدیغنی اون اوج ایرایش

غروشك تحصيله حكمدن و مستدعيه مزبوره
انا قادينك اشبو حكم عليه نه لايحه سنده محرر
اعتراضاتك خلاصه سي مستند دعوى اولان سند
هر قدر امره محرر ايسه ده طرفين صفت تجاريه يني
حائز اولدكلى كى طائفة نسادن بولند قارى حالد
تكفور طائغى تجارت محكمه سنجه بوراسنك نظر
اعتباره التمسرين خارج از وظيفه رؤيت ايدلسى
يولسز ومغاير قانون اولديغند بختله اعلامك تقضى
استدعاسندن ومدعى عليها مريم قادينك بوكا قارشو
نتيجه اجوبه سي اعتراضات مسروده نك واهى
وبى اساس اولدينى بيانيله ردى وموافق اصول
وقانون اولان اعلامك تصديقى طلبندن عبارت
بولنشدر .

ايجابى مذاكره اولند قده اعلام مذكور
مطالعه سندن اكلالدينى اوزره مستند حكم
اولان سند هر قدر امره محرر ايسه ده دروننده
فائض مقاوله سي مندرج اولوب سند عادى حكمنده
اولدينى كى طرفين دخى طائفة نسادن اولمغله
بركونا صفت تجاريه يني حائز بولند قارى وبوم قوله
دعاوينك فصل ورؤيتى محاكم حقوقيه عائد اوله رق
تجارت محكمه سنك وظيفه سي خارجنده بولندينى
حالد تكفور طائغى تجارت محكمه سنجه بوراسنك



در سعادت بدايت محكمه سي برنجى حقوق
دايره سندن ۴ هزار سنه ۳۰۶ تاريخى وبوز
يكرمى طقوز عددى ايله وريلان اعلامك تميزينى
استدعا ايدن در سعادتده سلطان سليم جوارنده
چراغى حمزه محله سنده چي قماز قاقده سكر نو مولى
خانه ده ساكن يكي جامع شريف حواليسنده اسكچى
مصطفى اغا وكبلى چهار سوم عمريان افندى يوم
معينه دايره وورود ايتش ايسه ده مدعى عليها
دراغمانده احمد اغانك خانه سنده ساكنه دكرلى
تلفراف چاوشى حسين اغا زوجيه رقيه خانم
كلمديكى كى جواب لايحه سي دخى كوند رمدى كندن
يالكز وكيل مومى اليهك ايضاحات شفاهيه سي
استماع قلند قد نصكره تدقيقات تميزيه اجراسنه
استدار اولندى .

اعلام مذكورك خلاصه مالى مرقوم مصطفى
اغانك مزبوره رقيه خانمك با حجت شرعيه وكبلى
بولنان زوجى حسين اغادن مزبوره نك متصرف
اولدينى دراغمانده كائن برباب خانى يكرمى سكر
ليرايه صاتون الوب يكرمى ليراسنى با سند مرقوم
حسين اغايه تأديه وكسور سكر ليراسنى دخى
مؤخرآ مزبوره تأديه ايلمش و ذكر اولنان
خانه نك فراغ معامله سي ايچون ايكيوز غروش

ويركوسنى و تميزينه بيك سكر يوز غروش
صرف ايتش اولدينى خالد وكيل مومى اليه
مذكور خانه نك فراغى اجرادن ابا وامتناع
ايدلديكندن بختله صرفياتى اولان جمآ يكرمى سكر
ليراي عثمانى وايكى بيك غروشك مزبوره دن
تخصيصى ويا خود خانه مذكورك فراغ معامله سنك
اجراسنى طلب ودعوى ايتسهنه قارشو عند المحاكمه
مدعى عليها رقيه خانم دخى زوجى مرقومك فروخته
مأذونيتى اوليوب يالكز ايجاره وكالتى بولندينى
مدافعه بيان وانبا ايله برقطه حجت شرعيه
ابراز ايتسى اوزرينه محكمه مذكوره جه اولبايده
اجرا قلنان محاكمه وتدقيقات نتيجه سنده منازع
فيه خانى مدعى عليهاك زوجى بولنان حسين اغا
بالوكاله صاتمى ومأذونيتنه مبنى تقرير ويرمك
اوزره يكرمى ليراسنى دخى پشينآ اخذ ايلمش
اولدينى جهتله شوالده مدعى مصطفى اغانك
مرقوم حسين اغايه مراجعت ايتك اوزره مدعى
عليها يه اولان معارضه وخصوصتكم منعيله استدعاسنك
ودينه حكمدن ومستدعي تميز و كيلنك اشبو
اعلام عليه نه كى اعتراضاتك باشلوجه سي مزبوره نك
زوجنك فروخته مأذونيتى ناطق حجت شرعيه
بولندينى ووكيلنك عقدى موكله اضافله وقوع
بوله جنى محله احكامى اقتضاسندن ايكن محكمه جه

بوراسنه دقت اولنماسی و ویرکو و سائر مدن طولانی مطلوبات حقنده کی اداسنک دخی بلا اسباب موجب مسکوت عنه بر اقلیمی مغایر قانون اولدیفندن بحاله اعلامک نقضی استمداسندن عبارت بولمشد .

ایجابی مذاکره اولدوقده منازع فیه خانه بی مزبوره رقیه خاتمک زوجی حسین اغا بالوکاله مرقوم مصطفی اغایه صائمش و تقریر ویرمک اوزره دخی پشیناً یکر می لیرا آلمش اولدیفنی اکلاشلمقده اولوب شو حالده مدعی مصطفانک مرقوم حسین اغایه مراجعت ایتمک اوزره مدعی علیها اولان مزبوره طرفندن بیع و قبضه وکیل اولدیفنی مذکور حجت شرعیه مآلندن اکلاشلمسینه و وکیل مرقومک موکله سنه اضافتله عقدی اجرا ایدرک الحقیقی دخی دخی موکله سی ایچون قبض ایتمش اولسنه نظراً محکمه جه مجله نک بیک در تیوز التمش برنجی ماده سنک فقره اخیره سیله بیک در تیوز التمش ایکنجی و بیک در تیوز التمش اوچنجی ماده لری احکامنه توفیق معامله ایدمک لازم کلور ایکن بورالزندن ذهول ایله مزبوره نک یکر می لیرا حقنده براتی طرفنه کیدلمسی یولمز اولدیفنی کی بالذات موکله مزبوره اعطا اولنان سکر لیرا ایله

ویرکو و تعمیرات مصارفاتی اوله رق ادعا اولنان مبالغ حقنده دخی بر حکم ویرلمکسزین مسکوت عنه بر اقلیمی اصول و قانونه مغایر و مستدعی وکیلک اعتراضاتی دخی بوجهته متداثر اوله رق شایان قبول کورندیکنه بناء اصول محاکمه حقوقیه قانونک ایکوز او تو زایکنجی ماده سی حکمنه توفیقاً کیفیت یکیدن صورت مشروحه دائره سنده بالرؤیه اعلامه ربطی ضمننده محکمه مرقومه به اعاده سنه و مستدعی تمیزک بی قدرت اولدیفنی ابراز ایلدیکی علم و خبر مندرجاتیه ثابت اولسنه مبنی صورت و تبلیغ خرجلرندن معاف طوتیه لهرق زیرده مفرداتی مرقم اوچیوز قرق طقوز یچق غروش مصارف محاکمه نک ایلروده حقسز چقیه جق طرفه رجوع ایتمک اوزره اول امرده مستدعی تمیزدن النسنه ۲۴ کانون ثانی سنه ۳۱۰ تاریخنده متفقاً قرار ویربلرک تفهیم قلندی .



صو شهر ی بدایت محکمه سندن ۱۴ کانون اول سنه ۳۰۷ تاریخی و یوز سکسان طقوز عددی ایله صادر اولان اعلامک تمیزجی استدعا ایدن صو شهر ی قضاسنک صاریجیه زیر قریه سنده ساکن علی بن اوغلی ملا احمد ایله تمیز علیه قره حصا شرقی سنجانی ردیف تالی طابوری یوز باشیلر ندن اولوب صو شهر نده مقیم حافظ عمر افندی یوم معینده دائره به کلد کلر ندن اصول محاکمه حقوقیه قانونک ایکوز یکر می طقوز نجی ماده موجبنجه تدقیقات تمیزیه اجرا سنه ابتدار قلندی .

اعلام مذکورک خلاصه مآلی مومی الیه عمر افندی نک مزبور ملا احمد دن بیک ایکوز غروش بدل مقابلنده تفرغ ایتدیکی صاریجیه زیر قریه سنده کائن معلوم الحدود درت دونم مقداری بر قطعه تر لایه دلی خلیل اوغلی محمد طرفندن و قبوعبولان مداخله نک منعی طلب و ادعا و اثبات مدعا ضمننده بر قطعه طابوسندی ابراز و اعطای سنه قارشو عند الحاکمه مرقوم محمد دخی پدرندن انتقالاً کندو سنک تحت تصرفنده اولدیفنی حالده ذکر اولنان تر لایی مزبور ملا احمد دن اخذ ایتمش اولدیفنی یدییوز الی غروش مقابلنده رهن ایدوب بوندن التیوز غروشی برادرینک زوجیه سی عایشه به حواله ایدرک

باقی یوز غروش دینی ایدو کی مدافعه در میان ایتمش و لاجل الاستیضاح محکمه به جلب اولنان مزبور ملا احمد دخی مبلغ مستقرضک یدییوز غروش اولیوب بیک ایکوز غروش ایدو کی بالیان حواله واقعه بی انکار ایلیمی اوزرینه جریان ایدن محاکمه و تدقیقات نتیجه سنده مزبور ملا احمد فضله اقیچه مدعاسنی اثباتدن اظهار عجز ایدرک طلیله تکلیف اولنان یمیندن مرقوم محمدک نکول ایلدیکنه و مرقوم محمد دخی ادعا ایلدیکی حواله بی اثبات ایده مدیکی کی مزبور ملا احمد یمین دخی ویردیر مدیکنه دائر بر قید رسمی به دسترس اولنه مدیفنی جهتله منازع فیه تر لایک مومی الیه عمر افندی به فراخی تحقیق ایتدیکنه بناء افندی مومی الیه ک رد ادعاسیله منازع فیه تر لایه مرقوم محمدک تصرف ایتسنه و مقبوضی اولان بیک ایکوز غروشک کندو سندن بالتحصیل احمد اغایه تسلیمنه و عمر افندی نک دخی مرقوم ملا احمد ویردیکی سالف الذکر بیک ایکوز غروش تر لا بدلندن طولانی مزبوره مراجعت ایتسی لزومه حکمدن و مستدعینک اشبو حکم علیهنده لایحه سنده محرر اعتراضاتک باشلوجه سی بو کی عصار دعوالرنده ذی الیدلکک بالینه اثبات ایتدیرلمسی احکام قانونیه اقتضاسندن ایکن محکمه جه ذی الیدلکک اثبات ایتدیرلمسی مخالف قانون

اولدیفندن بمحله اعلامك نقضی استدعاسندن ومدعی
عليهك لایحه سنده مندرج نتیجه جوابی دخی
اعتراض مذکورك غیروارد اولدینی بیانیله موافق
قانون اولان اعلامك تصدیق طلبندن عبارت
بولمشدر .

ایجابی مذاکره اولندقد اعلام مذکور
مطالعہ سندن مفہم اولدینی اوزره دعوی واقعہ
اراضی بہ متعلق اولدینی جہتلہ انہای محاکمہ اراضی
مأموری حاضر بولندیرلق و منازع فیہ اراضی بہ
کیمک طرفندن وضع ید اولدینی بالینہ اثبات
ایتدیرلمک لازم کاور ایکن محکمہ مرقومہ جہ
انہای محاکمہ مأمور مومی الیہک حاضر
بولندیرلماسی و وضع یدک اثبات ایتدیرلماسی
قانونہ مغایر و مستدعی تمیزک اعتراضی دخی موافق
نفس الامر اولدیفنه مبنی اصول محاکمہ حقوقیہ
قانوننک ایکوز اوتوز ایکنجی و ایکوز قرق رنجی
مادہ لری موجبہ اعلام مذکورک تقضیلہ قانون
مزبورک ایکوز قرق رنجی مادہ سنہ توفیقاً کیفیتک
صور مشروطہ دائرہ سنده یکیدن بالرؤیہ اعلامہ
ربطی ضمنندہ محکمہ مذکورہ اعادہ سنہ وزیردہ
مفرداتی مرقم اوچیوز طقسان طقوز بچق غروش
مصارف تمیزیہ نک ایلرودہ حقسز حقیقہ چق طرفہ

رجوع ایتک اوزره اول امردہ مستدعی تمیزدن
اخذینہ ۱۷ مایس سنہ ۳۰۹ تاریخندہ متفقاً قرار
ویرلدی .

اقسرای بدایت محکمہ سندن ۳۰ تموز سنہ ۳۰۹
تاریخی ویکرمی ایکی عددی ایلہ ویریلان اعلامك
تمیزی اقصهرک شاملی محله سنده مقیم حمزہ افندی
زادہ فخرالدین افندی باعرض حال استدعا ایتدیکی
حالدہ یوم معیندہ دائرہ بہ کلیوب مدعی علیہ مالیه
خزینہ جلیلہ سی وکیلی سعادتلو رشید افندینک
مطالعہ سی استماع قلندقد نصکرہ تدقیقات تمیزیہ
اجراسنہ ابتدار اولندی .

اعلام مذکورک خلاصہ االی مزبور فخرالدین
افندی اقصهر قصبہ سنده کائن اولوب یا کوف نام کمنہ
دن بدل معلوم مقابندہ اشتراک ایلدیکی رباب دکان مزبور
یا کوفک اعشار بدلندن خزینہ جلیلہ دی اولان
مبالغ معلومہ دن طولانی جانب خزینہ دن وضع اولنان

حجزک فکینی طلب و دعوی ایتش ایسده اولبابدہ
جریان ایدن محاکمہ و تدقیقات نتیجہ سنده بو کبی
املاک صرفہ نک سندسز تصرفی ممنوع اولدینی کبی
موقوف یا کوف ملتزم اولوب خزینہ جلیلہ بہ بورجی
بولنان ملتزمینک ادای دیندن اول اموال غیر منقولہ
لرینی فراغ ایتلرینک جائز اولہ میہ جنی عدلیہ نظارت
جلیلہ سنک اولبابدہ کی تحریراتی اقتضاسندن بولمنسہ
بناء مزبور فخرالدین افندینک معارضہ دن منعہ
حکمدن و مستدعی تمیز فخرالدین افندینک اشبو
قرار علیہندہ لایحه سنده محرر باشلوجہ اعتراضی
کندوسی منازع فیہ دکانی مدار حکم اتخاذ قلنان
تحریرات علیہ دن اقدم اشتراک ایتدیکی ثابت اولوب
اوامر و قوانینک ایسہ ماقبلہ عدم شمولی بدیہی
بولندینی حالده محکمہ جہ بورالرینہ دقت اولنمیرق
حکم ویرلمسی مخالف قانون اولدیفندن بمحله اعلامك
نقضی استدعاسندن و مدعی علیہ خزینہ جلیلہ وکیلنک
نتیجہ جوابی خصمنک ادعاسی برکونہ سندن
واوراق رسمیه مستند اولمیرق قول مجرددن
عبارت قالدینی بیانیله موافق قانون اولان اعلامك
تصدیق طلبندن و معاون مومی الیہک مطالعہ سی دخی
منازع فیہ اولان دکانک کندوسنہ عائدیتندن بحث
ایدیلور ایسہ دہ بدندہ اولبابدہ سندوسی اولدینی کبی
عندالمحاکمہ دیگر صورتلہ دخی اثبات مدعا ایدیلہ

مامسنہ مبنی اعتراضات واقعہ نک موافق قانون
کوریلہ مدیکی بیاندن عبارت بولمشدر .

ایجابی لدی المذاکرہ اعلام مذکور مطالعہ سندن
اکلاشلدینی اوزره منازع فیہ دکان حقندہ
مزبور فخرالدین افندینک منع معارضہ سنہ قرار
ویرلمش ایسده مذکور دکانک محجوز و مرہون
بولنوب بولندیفنک تحقیق ضمنندہ محلی املاک
و ویرکو قلملرندن استفسار کیفیتلہ الہ حق جوابہ
کورہ ذات مصلحت حقندہ برقرار ویرلمک لازم کلور
ایکن محکمہ جہ بوبولده قبود محلیہ اوزرینہ تدقیقات
مقتضیہ اجرا اولنقسزین بر منوال محرر قرار
ویرلمسی مخالف قانون اولدیفنه بناء اصول محاکمہ
حقوقیہ قانوننک ایکوز قرق رنجی مادہ سی
موجبہ اعلام مذکورک تقضیلہ قانون مزبورک
ایکوز قرق رنجی مادہ سنہ توفیقاً کیفیتک یکیدن
بالرؤیہ اعلامہ ربطی ضمنندہ محکمہ مذکورہ
اعادہ سنہ وزیردہ مفرداتی مرقم درتیوز اون طقوز
بچق غروش مصارف محاکمہ نک ایلرودہ حقسز
حقیقہ چق طرفہ رجوع ایتک اوزره اول امردہ
مستدعی تمیزدن النسنہ ۹ تشرین ثانی سنہ ۳۱۰
تاریخندہ متفقاً قرار ویریلہ تفہیم قلندی .

ساقز بدایت محکمه سندن ۴ مایس سنه ۳۰۹
تاریخی واون درت عددی ایله استینافاً ویریلان
اعلامک تمیزیخی استدعا ایدن قالموز جزیره سنده
ساکن میخائیل وکیل ملتبادی قره دوکیری افندی
ایله مدعی علیه جزیره مذکورده مقیم تئودور
پروتستوو کیلی قری غلیقوری افندی یوم معنیده
دائرة کلد کلرندن ایضاحات شفاهی لری استماع
قلنه رق تدقیقات تمیزیخه اجرا سنه ایتدار قلندی .

اعلام مذکورک خلاصه مالی مرقوم طودورینک
منزبور میخائیل مانغلینک پدری متوفی مانول
مانوقلی به دینی اولان معلوم المقدار مبلغ مقابلنده قالموز
جزیره سنده متصرف اولدینی برباب مغازه سی ایجار
ایدرك بدل ایجاری دینه محسوب ایدلك اوزره عقد
ایلدیکی مقاوله بی مرقومک وقوعوقاتی حسبیه
ورنه سندن میخائیل مانقلی ایله دخی بالتجدید
بشقه جه برقطعه مقاوله نامه تنظیم و مذکور مغازه بی
مستأجر صفیه مرقومه تسلیم ایتمش اولدینی حالده
بو کره مرقوم میخائیل مغازه بی تصرف ایتک
داعیه سنده بولندیغندن بختله مداخله سنک منعی
(مابعدی وار)

اعلان

علقونک ایکنجی ۲۱۱ نومروسيله مقید اعلام
موجبجه افکیوس ولد بدوسه محکوم به دینی اولان
معلوم المقدار مبالغک تأمین استیفاسی ضمننده
مدیون مرقومک بویاجی کوینده باغیر موقعنده
ایکی نومرلی باغ و ترلاده انتقالاً متصرف اولدینی
برربع حصه شایعه سنک حجریله فروختی بک اوغلی
بدایت محکمه سی ریاست اولیسی جانبندن تحت
قراره النمش اولغله تاریخ اعلاندن اعتباراً
اون بش کون صکره بالمزایده فروخته تشبث
اولنه جنی اجرا ماموریتی جانبندن اعلان اولنور .

فی ۱۱ نیسان سنه ۳۱۱

ضبطیه نظارت جلیله سی وکیل محمد علی
افندیکنک ۲۱۱ نومروسيله مقید اعلام موجبجه
مصطفی عزیز افندی ذمتنده محکوم به اله جنی
اولان مبالغک تأمین استیفاسی ضمننده مومی الیهک
قوری چشمه ده اوتوزایکی نومرولی قوناقدی الی
حصه اعتباریه متصرف اولدینی سیدس حصه
شایعه سی لدی المزایده بشیک یوزغروش التون
اچیه بدل ایله طالبی عهده سنده تقرر ایتمش اولغله
تاریخ اعلاندن اعتباراً اوتوز برکون طرفنده
بدل مذکور اوزرینه یوزده بش ضمیمه طالب
اولنلرک بک اوغلی بدایت محکمه سی
اجرا ماموریتیه مراجعت ایتلری اعلان
اولنور .

فی ۱۷ نیسان سنه ۳۱۱

متوفی قسطاکی چیراذمتنده محکوم به اله جنی اولان
معلوم المقدار مبالغک تأمین استیفاسی ضمننده
مدیون مرقومک محجوز اولان بوغاز ایچنده
صاری یار یکی محله سنده بازار باشی جاده سنده
اوج و بش نومرولی بدل عشر مقاطولو ایکی باب
ساحلخانه لک نصف حصه شایعه لریله محله وجاده
مذکورده کائن برویتش اوج نومرولی ایکی قطعه
عرصه لک نصف حصه شایعه لرلنده وینه محله مذکور
رده فسق باغلی جاده سنده بکرمی ایکی نومرولی
فنده لک محله نصف حصه سنده وینه محله
مذکورده بازار باشی جاده سنده اون درت نومرولی
مع باعجه برباب غازیسو و خانه ک نصف حصه
شایعه سنده ایکیک یدییوز یتش اوج سهم اعتباریه
متصرف اولدینی یدییوز طقسان ایکی سهمک
فروختی بک اوغلی بدایت محکمه سی ریاست اولیسی
جانبندن تحت قراره النمش اولغله تاریخ اعلاندن اعتباراً
اون بش کون صکره بالمزایده فروخته تشبث
اولنه جنی بک اوغلی بدایت محکمه سی اجرا ماموریتی
جانبندن اعلان اولنور .

فی ۲۰ نیسان سنه ۳۱۱

مالیه حزیته جلیله سی حلفاسندن کامل
افندیکنک ۲۱۱ نومروسيله مقید اعلام موجبجه

کرجی اطناش رجیونک اقامتگاهی مجهول
لامبروز و طونام کسنه عایینه محکمه تجارت ایکنجی
جلیسندن استحصال ایلدیکی ۴ مارت سنه ۳۱۱
تاریخی ۷۱۹۹ نومرولی و بییک طقوز یوز الی
سکز غروش اوپاره نك گذشته و مصارف محاکمه
ایله برابر تحصیل حکمی حاوی اعلام غیابینک
برقطعه صورت مصدقسی برمنوال محرر محکوم
علیهک اقامتگاهی مجهول بولندینی جهته اعلاناً
تبلیغی طلب اولغش اولغله اصول محاکمه تجارت
نظامنامه سنک یکرمنجی ماده سنک دردنجی
فقره سی احکامنه قیاساً تبلیغ اولغش عد اولغش
اوزره محکمه نك دیوانخاسنه تعلیق اولندینی کی
اوراق حوادث واسطه سیله دخی اعلانی لازم کلش
وتاریخ اعلاندن اعتباراً اوتوز برکون ظرفنده
محکوم علیه مرفوم لامبروز و طو بالذات محکمه یه
مراجعه اثبات وجود ایتدیکی تقدیرده صورت
اعلام کندوسنه تبلیغ اولغش عدیه حکمنک اجرا
ایدیله جکی معلومی اولغ اوزره اعلان کیفیته
ابتدار قلندی .

فی ۷ ذی القعدة سنه ۳۱۲

وفی ۲۰ نisan سنه ۳۱۱

اغوب ولد مارقارک یغچه قپوسنده از میر
اوتلنده مقیم ارضروم ولایتی داخلنده کینی قضاسنه
تابع سرکوی اهایسندن علی رضا نام دیگر صالح
افندی ذمتنده مع مصارف محکوم به مطلوبی اولان
یکرمی بش عیدد لیرای عثمانی ایله یوزیکرمی
غروشک لزوم تسویه سنه دائر لاجل التبلیغ مدیون
مومی ایله سائف الذکر کوندریلان اخبار نامه زیرینه
اوتلجی طرفندن ویریلان شرحده علی رضایام دیگر
صالح افندی بوندن اوچای مقدم نه طرفه کندیکی
مجهول ایدوکی کوسترلش اولدیغندن اجرا قانون
موقتیک یکرمی طقوزنجی ماده سی حکمنه توفیقاً تاریخ
اعلاندن اعتباراً نهایت طقسان برکون ظرفنده
مومی ایله صالح افندینک کلوب اثبات وجود ایتیمی
و ایتدیکی تقدیرده دینک واقع اوله جق استدعا
و طلب و تشبثاتی اوزرینه حقنده معامله مقتضیه
قانونیه نك انفاذ اولنه جنی درسمادت اعلامات
نظامیه اجرا داتره سندن اعلان اولتور .

فی ۲۰ نisan سنه ۳۱۱